

Transkription von Urkunde SWN 1324b

Ort, Datierung: Schwerin, 1324-01-03

Signatur: Landeshauptarchiv Schwerin, Rep. 1, Schuldforderungen 5

Inhalt: Nicolaus tu Zwerin: Erbstreitigkeiten

Wi Nicolaus van ghodes gnade Junchere van zwerin Dûn witlich alle den / de dessen iewardeghen bref
an sen vnde hōren dat vnse voghet [...] ¹]/uert van aderstede , de vnse voghet was , vnde is , vns dede
[...] / neschop , vor vnsen brūdere greue Guncele , vnde vor vnsen [...] / vnde vor vnsen ratmannen , do
he vns rekenet hadde na vnse[s] va=/der dode , do duchte vns , vnde vnsen brūdere , vnde vnsen
mannen , / vnde vnsen ratmannen , dat he dat tû rubowe vppe bōret hadde [wen] / he dat vns tō rechte
af slan scolde des segde he , dat it vnses [vader] / wille were , des mōghe wi vōl komen , wo wis tō
rechte vōl kome[n] / scolen , mit leuendeghen tughe , vnde mit leuendeghen warent wo / wis tō rechte
vol komen scolen , dat it vnses vader wille nē nē was / vnde it eme dicker wen enes vnbot dat , het
wedder dûn scolde , Des / hebbe wi toghen vppe vnsen vedderen greue hinric(k) , vnde vppe twe /
vnser man , hir vp dele wi dat recht , her hinric van reuentlowe , / vnde her Jurius pren , Mach des
vnse Junchere vol komen also he / sych vor rumet , so schalmet en tû rechte af slan , vnde willet dar /
mer tō dûn , dat wi nin rechter [...] weren , Dese bref is ghe screuen / na ghodes bort . durent iar .
drehundert iar . in deme verentwie[n]te=/ghesten iare indeme achteden daghe sunte Johan(n)es [e
]wangel[ii] , /

¹ verderbte Stellen